



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600



Novak Djokovic chun zanita Qatar Open Tennis final-ah a Andy Murray hnein Qatar Open title atlak.

Hmasawanna Thar Vol - 32/89 | Churachandpur | email : hmasawnatharnews@yahoo.com | Phone: +91-3874-236846 | Rs 6/- per copy

CHANCHIN LAKTAWI

Mi 6 chauin an la peklut

CCPUR: 1th Manipur Assembly Election hung um ding le inzawma District Magistrate, CCPur in Churachandpur District sunga silai License nei hai an umnaa inthawk Police Station hnei taka an silai hai sielut dinga thuppek/Order an suo le inzawmin CCPur Police Station a chun tuchen hin mi 6 chauin license silai an la peklut a, tuta kar sung hin mi tamlemin an peklut ring a nih. Order hi Jan. 4, 2017 a kha insuo a nih.

Manifesto puongna a nei ding

CCPUR: 11th Manipur Assembly Election hung um dinga 58-Churachandpur A/C a ngir tum (intending candidate) Mr Thangbiaklian Hangzo chun Jan. 9, 2017, 11AM hin YPA Gen. Hqtrs. Hall, Hiangtam Lamka hmuna a Manifesto puonglangna nei a tih. Hi huna hin a nuom taphawt thang dinga fiel an nih.

Gospel Album tlangzar

CCPUR: Zanikhan ZPCS Sunday School Hall, Lailam Veng-ah H. Hauminlian in "Tisiam Mangpa" ti thupui hmanga Gospel Album a siem tlangzar a nih. Album hi Special contractor Khanthang in a tlangzar dinga ti a ni a, sienkhwam ama remchangnaw lein a naupa Biaklian chun khuolliena thangin Album hi a tlangzar a, CT Lian Guite, MDC functional president in a thang a, Rev. Hangpi Manlun, bieltu Pastor in Pathien kuoma inhlanna a nei.

Gospel Music Video tlangzar



CCPUR: Zani zantieng 1:30PM khan Unity Church Compound, Bridge Street, Rengkai hmuna Rody Ramneihlung Pulamte in "Hringna Tui a Luong Del Del" ti thupui hmanga Gospel Music Video album a siem chu Mr M. Gouzamang Guite, EM, ADCC in khuolliena thangin a tlangzar. Hi huna hin T. Chawngbiak le Lalhluopui hai functional president le Guest of Honour in an thang. Joseph Lalditsak Pulamte in Album preview a thaw a, Rev. Thangsuolien Taitie in malsawm tawngtaipekna a nei. M. Gouzamang Guite in thu a hriinaah, Hlasak thiem hi mitin ni theilo a ni leini hlasak thiemna chu Pathien malsawmna chikhat a ni

JNV Admission Entrance Exam nei



CCPUR: Jawahar Novodaya Vidyalayas (JNV), Tuinom, CCPur a kum 2017-18 sunga Class VI inchuk ding mi 80 lakna dinga Entrance Exam chu zankhan CCPur District sunga Block tum tum haia Navodaya Vidyalaya Samiti huohawtnain nei a ni a, Block tum tum haia Candidates umzat chu 1215 an nih. Entrance Exam hi 11:00AM a inthawk 1:30PM inkar sunga nei a nih. CCPur Block hnuoia candidates hai Phungkothang Govt. H/S-ah an in exam. CCPur block-a candidates umzat hi mi 685 an ni a, sienkhwam Candidate 94 in Admit Card an laknaw bakah candidates

Zu iemanizat an man



CCPUR: Zanikhan CCPur Police team chun khawpui sung hmum tum tum-a Zu zawrna hmun hai an dap a, tuolsung zu le Indian Made Foreign Liquor (IMFL) iemanizat dapdawkin an man. Mr Rakesh Balwal, IPS, SP, CCPur in khawpui sunga uolau taka zu dawn khapna thu an suo dungzuia Zu zawrna hmun hai hi dap an nih. Zu an dapna hmun hai chu New Bazar area le

AITC seat 60 ah an ngir ding

IMPHAL: Manipur Assembly election hung umdinga hin All India Trinamool Congress (AITC) chun candidates nei anth. Manipur Trinamool Congress (MTC) Working President dingin T. Robindro Singh le Working Vice President dingin N. Govindro Singh hai ruot an ni ta bawk tiin Mukul Roy, Vice President, AITC in MTC Office, Mahabali Machin, near Palace Compound, Imphal hmuna Press Conference-ah a hriil.

Children's Retreat tan ding

CCPUR: For One Life huohawtnain wavisun Jan. 9, 2016 a inthawk hin HSA Campus, Rengkai, CCPur hmuna 4th Children's Retreat hmang tan ning a ta, January 13, 2017 chen hmang ning a tih. Chun January 12 le 13, 2016 zan dar 5:30 haiah Youth Service hmang a ni hlak bawk ding a nih.

Harsatna karah mipuiin demonetisation an thlawp: Narendra Modi

NEW DELHI: Prime Minister Narendra Modi chun harsatna tam tak karah India mipui han lungril takin demonetisation an thlawp niin a hriil. New Delhi hmuna BJP National Executive meeting nei huna PM chun a hriil ani a, mirethei le harsa tak tak hai khawmin sawrkar thutlukna chu an thlawp niin a hriil a. Demonetisation chu khawtlanga suolna le corruption suk-tawpna ding ani leia mitinin an thlawp niin a hriil a nih.



PM chun corruption chu social evil hai laia lientak ani thu a hriil a. Corruption chu sum fekuol ding sukbuoit le, mirethei tam tak siemtu ani thu a hriil bawk. BJP senior leader le Union Minister Ravi Shankar Prasad chun PM thuhriil le inzawmin tawngbau a nei veh a. Rethaina le harsatna hai chu BJP tadinga tingna hamgruo ani nawn thu a hriil a, retheina chu party ta dingin mi harsa hai rawngbawl pek theina dinga chawno petu ani lem thu a hriil. Chu lungril nei pumzinga sawrkar chu mi rethei

dingin a fiel bawk. National executive meeting chun demonetisation thlur bika dingin economic resolution a passed a. Finance Minister in resolution chu a ngir suokpui niin, opposition haiin demonetisation thua indik lo taka an hekna lein mipui sawrkar lakah an hel pha nawn thu hriil, India mipui hai chu Prime Minister Narendra Modi tieng thangin lungpui angin det taka an ngir thu a hriil. Demonetisation a inthawka ni 50 zet a

liem hnung khawmin public property sukseit hriet ding a um nawn a, sawrkar thutlukna ah mipui hai lungruol taka an um suklangu nia Jaitley chun hriil, mipui hai chun daw thei takin an ngah niin a hriil. Jaitley chun mipui hai ringna, an dawtheina le thlawpna zarin sawrkar chu sum indiknaw taka lakluna, pawisa tehlem, corruption le terrorism dona kawngah hma a lak thei thu a hriil. Union Minister le BJP leader Nirmala Sitharaman

chun media hai kuomah, Finance Minister Arun Jaitley in demonetisation thil-tum chieng taka a hriil thu a hriil a. Jaitley tawngbau thlawpin, demonetisation chu black money sukbona ding ani thu hriil, Lok Sabha election nei laia BJP thutiemi ani thu a hriil.

Sitharaman chun 1997 Amnesty scheme le Income Declaration Scheme sawrkarin a thaw thu a hriil a, loneitu hai harsatna sukkiengna dingin sawrkarin hma a lak zing thu a hriil. Prime Minister in India mipui hai thanguina le sawmdawlna ding scheme chitum tum a puong thu Sitharaman chun a hriil sa bawk.

BJP National Executive meeting chu Inrinni a kha tan niin, Prime Minister thutlukna le inzawma surgical strike le demonetisation hai chu thutlukna huosen tak niin an puong a. Congress in mirethei hai rethei taka a siem laiin, BJP in mirethei hai hmakhuo ngaia sin a thaw lein, India mipui hai chu PM tieng an thang vawng thu an puong bawk.

Truck 519 an hunglung

IMPHAL: Jiribam a inthawka Security Escort a hung Trucks 519 hai chu zani zan khan Imphal an hunglung. Trucks 519 hai lai hin Diesel phur 68, Petrol phur 44, LPG phur 54 an thang. Security Escort ding an um remchang

nawk hmasa taka thil chitum tum phur Trucks 531 neka tam hai chun Jiribam suoksanin Imphal hung pan nawn an tih. Hieng laizing hin UNC chun an economic Blockade thaw a hma nekin an sukkhau zuol pei ding niin an hriil.

Bufai phur Truck raw siet



IMPHAL: Tu ti hrietlo han zani hmasa zan dar 8-9PM inkar vel khan Senapati District-a Sapermeida Police station huomsung Kotlen village lai Bufai phurtu Truck pakhat an raw siet vawng. Truck raw siet a ni hi MN07-C 3475 a neitu chu Papu Rama Shankar of Dewaria, Uttar Pradesh, tuta Tamenglong IB Bazar-a um, kum 20 vel liemtaw inthawka kha hi lai hmuna Dawr siema lo um ta nia hriil a ni a, Truck driver chu Aning Gangmei

(22) s/o Mr Khangthaipou Gangmei of Sibilong Village, Tamenlong District a nih. Truck raw siet a um hin Tamenglong District Headquarters a ding bufai bags 240 le thil dang dang a phur niin ei thu dawngna chun a hriil.

Thuoihmanga um N. Gamnom lalpa le midang pakhat a thisaa hmu

IMPHAL: January 6, 2017, zan dar 7 vela tu ti hrietlo ralthuom chawhi han an chengna In ve ve haia inthawk kodawka an thuoihmang Mr S. Otkhomang Mate (57), Chief of N. Gamnom le Mr Tilpao Haokip (51) hai chu zanikhan Nungkam Satang Village-ah a thisain an ruong hmu a nih. N. Gamnom hi Tengnoupal District huomsung a um niin Maring hnam hai le chengkhwam an ni a, hun iemanichen liemtaw inthawk khan Naga hai leh ram chungthuah buoi-



na an lo nei ta hlak niin ei thu dawngna chun a hriil. Otkhokhomang Gante hi a luah silaia kap a ni a, Tilpao Haokip hi a hnungzanga kap a nih. Hi thil lung le inza-

wm hin KNA chun Maring lal 10 vel an custody-ah an sie mek niin ei thu dawngna thenkhat chun a hriil a, thu chieng tak ruok chu hrietna ei la nei hri nawn.

Sharmila in Vote campaign tan a tum

IMPHAL: People's Resurgence and Justice Alliance (PRJA) lukhaitu tak Irom Sharmila chun a rawi-hai leh Thoubal bielaw vote campaign tan vat an tum ta thu a hriil. Jan. 7, 2017 khan cycle-a chuongin Thoubal-ah a fe a, In hluo ding a va zawng a, Thoubal Wangmataba hmuna In hluo ding

a hmu a, In neitu leh hluo dingin an inbiakfel tah. Hi In hi hun iemanichen chu hluong ka ta, PRJA Office-a hmang nghal ni bawk a tih tiin Sharmila chun a hriil. CM O. Ibobi Singh ngirna bielaw ngirin kan khingpui ding a nih tiin Sharmila chun a hriil. Manipur-a Assembly seats 60

um haia inthlangna hung um dinga hin an party chu seat 7 ah ngir an ta, hi laia seats 5-a an party candidate dinghai an sukfel ta niin Erendro Leichambam (33), Convenor, PRJA chun a hriil. Erendro Leichambam hi PRJA ticket hmanga Thangmeiband A/C a ngir tum a nih.

Assam a Hmar khuo hai lamlien siemna ding Phase-I Tender ko

CACHAR: Assam-a Cachar Hmar khuo hai PMGSY hnuoia lamlien inlungtina dinga June 30, 2016 a inthawka buoipua lo um ta chu Phase-I Tender ko a ni ta a, January-February thla sung hin

thil tul hai sukfel zo le March thla vela sin tan hman beisei a nih tiin ei thu dawngna chun a hriil. Tuivai Leilak le NH-150 Pherzawl a inthawk Tuivai chen rehabilitation thawna ding sanction Order

chungthua khawm Jan. 7, 2017, 10:52 AM khan Mr Nitin Gadkari, Minister of Shipping, Road Transport & Highways, Govt. of India a inthawk hmu a ni thu, Tuivai leilak dawna ding thua tender ko dinga ieng-

kim peifel a nita a, Manipur Assembly Election um ding leia Election Model Code of conduct leh an tainaw chun Tender ko vat a ni ding thu dawng a nih tiin Pu Vanlallien Pulamte chun a hriil.

Assam Hmar political movement thuah Jan. 10-ah Tripartite talk an nei ding

MUOLHOI: Assam-a Hmar political movement le inzawmin HPC-D Assam Region, Assam sawrkar le Central sawrkar palai han January 10, 2017, 3:00PM khin ADGP, Conference Hall, Guwahati, Assam hmuna Tri-partite Talk an nei ding niin ei thu dawngna chun a hriil. Tripartite talk huna hin

HPC(D) Assam Region palai thang ding hai chu Pu Lalchunghung Faihriem; Pu Lalbeisei @ Elvis Hmar; Pu Lalrolien @ David L. Hmar le Pu Chawngmuntur Varte @ Ch. Varte hai ning an ta, Assam sawrkar tieng chu Additional Chief Secretary le Secretary, Pol. (Home) le Commissioner hai thang an ta, sawrkar

thlungpui aiawin S. Garg, Secretary, N.E. i/c Ministry of Home Affairs thang a tih. Assam Hmar political movement thua hin HPC(D) in kum 2012 a silai an intunga inthawk Tripartite talk vavi iemanizat nei a lo ni ta a, inbiakna nei nuhung taka khan Development Council annawleh Regional Council a lungawi

dingin HPC(D) chu ngen an ni a, sienkhwam hi thil hin political thila Hmar hai harsatna a puhruk zonaw ding a nih tiin HPC(D) Assam Region chun District pahni NC Hills le Cachar District hai keikawpin Hmarhai ta dingin Satellite Council pe dingin sawrkar thlungpui an ngen a nih. (virthli)

Sonakshi Sinha le Bunty Dubai ah

DUBAI: Sonakshi Sinha le Bunty Sajdeh hai chun an inlaichinna tlang hrietin an pholang zen zen naw a, official taka puong ieng-khawm an nei naw zing laiin a rugin an inhmua kawp zing hlak nia hril a nih. An inngainatna le inlaichinna chu 'open secret' niin Bollywood party le restaurant haih inzing taka hmu kawp an ni hlak.



Hun pawimaw khawm an hmang kawp zing zinga Christmas khawm an hmang kawp baw a. Kum Thar 2017 khawm an la hmang kawp pei ti hriet suok a nih. Tuta tum chu Mumbai-ah ni lovin Dubai-ah a nih.

an hmang lai thlalak an nei niin a hril. Bunty Sajdeh chu Dubai ah a um ngei ti hriet a ni a. Sonakshi a um ve le um ve naw an zawngnaa chun Farah Ali Khan le Sonakshi Sinha hai Dubai-ah an um ngei ti fiena selfie Farah-in a Instagram ah a post a inthawkin a um ve ngei ti an hriet thei niin an hril. An hang belchieng chun Sonakshi le Bunty chun hun

Prince Harry Le Meghan Norway Ah

LONDON: Christmas an hmang kawp ta nawa chu Kum Thar 2017 hun rem-chang hmasatak chu hmang kawp ngei an tum ang bawkin Prince Harry le a ngaizawngnu Meghan Markle hai pahni chun Norway ah fein hun hlumtak an hmang.



The Sun chanchinbu ziek a hrilsawng dan chun, Harry le Meghan hin New Year London ah an hmang kawp hnungin Norway ah Northern Lights en dingin an fe tiin a hril. Norway a inthawk hin hmartienga nizing mawitak, khawvêl hipna gravity-in a hip khawmhah Northern Lights a mawi bik zuola, chu thlir dinga fe an nih.

khawlai leng mei ang a ni baw nawh tiin a hril. Prince Harry hin mi dang po po nekin Markle hi a dit tak a, inngaizawng naran el khawm a dit-taww nawh a, inhuol a nuom zing an tah lei-tiin a hril baw.

Ed Sheeran-in Hla Singles Thar Pahni

LONDON: British singer-songwriter Ed Sheeran chun kum hni veng vawng a re hnungin tuta kâr khan hla thar (singles) pahni, 'Shape of You' ti le 'Castle on the Hill' hai chu a hung vawv daww nâwk tah. Kum 25-a upa Grammy Award le BRIT Award khawm lo dawng tah Ed Sheeran hin a Twitter account ah 'Kum 2 veng vawng ka re ta leini hla pakhat chauh ni lovin pahni ka hung vawv daww a nih' tiin a post.



BBC Radio 1, Breakfast Show ah a hril dân chun, 'Shape of you' hi a bul tak chun Rihanna sak dinga a ziek pek a nih a. A hla thu a ziek pei laiin a lungril a hung inthlenga ama single dingin a hmang ta niin a hril.

top-selling artist a nih a, One Direction, Taylor Swift le Justine Bieber hai hla ding khawm tamtak a phuok pek tah. Hienga hla thar pahni a hung sak suok nâwk tah si hin chu album tharin a hung zui ding le ding naw ruok chu a hril nawh. Tuta hlahai hi May 2015-a a phuok 'Photograph' zova a phuok nâwk hmasatak a nih.

2017 Oscar Host Jimmy Rs. 1 Lakh Hlaw

LOS ANGELES: Academy of Motion Picture Arts and Sciences (AMPAS) in cinema tienga thaw tha bikhai chawimawina kum tina a nei hlak, Academy Award or Oscar tia hrietlâr 89th Academy Award 2017 chu hung tung ding Feb. 26 khin ropui takin Dolby Theatre, Los Angeles ah nei ning a ti.



Ni kum khan Chris Rock le Billy Crystal han an host a. Tu kum Oscar Award 2017 host-tu ding hin ze le hnesaw deu mi zawng a nih a. Host ding hin mi 14 an contact a, an theinaw ding thu a hril, Jimmy Christian Kimmel an hman ding thu a hril leini \$15,000 (Rs.1.02 lakh) hlawin a host ding a nih.

(ABC) a zan sâwt hnung TV show Jimmy Kimmel Live! Host le executive producer a nih. Jimmy hin Primetime Emmy Awards 2012 le 2016 hai khawm hnesaw takin a lo host ta baw.

DSP gate bulah bomb hmu

IMPHAL: Zani zingkar dar 9 vel khan Thangmeiband, Imphal hmuna Mr Y. Sushil, DSP, Bishnupur District chengna

Gate tuolah China siem Hand Grenade pakhat hmu a nih. Hand Grenade hi Manipur Police a bomb squad han sun

dar 11 vel khan an va lakhmang a, puok thei lo dingin an suksiet niin Police thusuok chun a hril.

'Mi tamtak hmang list an en a, an hman naw vawng a. Kei kan hman baw bâkah ka office kaw l el a ni baw lein an mi

Novak Djokovic in Andy Murray hneban



DOHA: World No.2 Novak Djokovic chun World No.1 Andy Murray chu three-set; 6-3, 5-7, 6-4 hnein Qatar Open title chu inrinni khan a lo lak tah. An pahni inkhel hi khawvêl po po mipui hmu nuomum tak niin dardar 3 deu thaw an inkel a nih. Hi game hi Murray ta dingin Davis Cup September thla-a Juan

Table with sports schedules: Primera División, Serie A, Club Friendlies, International Friendliest.

FA CUP 3rd ROUND REVIEW

Premier League Club Bournemouth, Stoke City le West Brom hai chu Division inhnuoi lem Team-in an hnawt daww

Premier League tienga che t ha mek le Mid Table-a hmu hluo mek Bournemouth hai chu 3rd Division Club Millwall chun awlsam takin 3-0 in an hne leini FA Cup 2016-17 chu an maksan a lo ngai ta a nih. Chubakah Premier League Club tho Stoke City hai chu 2nd Division (Championship) Club Wolverhampton Wanderers haiin Stoke City khelmuol ngeiah 2-0 in an hnebân baw. Ei hril ta hlak angin FA Cup hi Club tenau le Club lienhai inbeituo theina hun remchang Tournament a ni a, kum tinin ring lo deu deuin Club inhnuoi lemin Club chungnung lem (England-a ding chun Premier League-a khel phakhai chi Club chungnung ei ti bik a nih) an leththal thawk thawkna hun a ni hlak hrim a nih.



West Brom khawm Championship Club tho Derby County lakah anni khelmuol ngeiah

2-1 in an muolpho baw. Premier League Table-a pasarina Everton chu a sawmpangana bakah Premier League Champion ni lai mek Leicester City chun an hnawtdaww a, Premier League-a Bottom Club Hull City chun Bottom Club tho Swansea an hnawtdaww ve baw.

Hi zana Hull City hai hrat hi an Manager thar Marco Silva ta dinga incharge a lak hmasatak tak zan a ni a, chuong ang bawkin an hnebân Swansea City Manager thar Paul Clement khawm Swansea ta dinga a pensuok vawikhata a ni baw. Watford hai khawm Club tenau laka muolpho lo hram dingin Championship Club Burton hai chu 2-0 in an hne a nih. Hi zan inkhela dinga goal thun rawn tak chu Championship Club Brentford haiin ieng league a khawm inlang phak lo Eastleigh hai 5-1 a an hne hi a nih.

angin entu an tam naw a, a bikin Premier Club hai inkhel lem chu beisei angin entu mihriem an tam naw hle. Hull City le Swansea inkhel kha mihriem 6,608 chauin an en a, Norwich le Southampton inkhel kha mihriem 12,000 chauin an en baw. Sunderland tieng khawm an Home Ground-a inkhel um zata mihriem 40,000 deuthaw-in an en zie kha hi zan hin Burnley le an inkhel kha mihriem 17,632 vel chauin an en a nih.

Chuong lai zing chun League-a khawm inlang phak lo Club tenau inkhelhai ngaihut an hlaw lem a, England-a dinga Division 7-na kai phak taww Stourbridge hai chun Second Division Club Wycombe an van khelpui a, hi taka hin Stourbridge chun supporter 2,000 chuong an fensa a nih. Home Team supporter hai le belkhawm chun tam tak an nih.

FA Cup Fourth round Draw hi January 9, 2017 khin nei ning a ta, hi nia inuokfuhai hi January 28, 2017 khin inkhel tan naw ngal baw an ti.

SPANISH PREMIER LEAGUE - LA LIGA SATURDAY NIGHT REVIEW

William Ben Yedder chun Sevilla ta dingin Hattrick siemin Barcelona inkhel naw karah pahinna an inhlangkai

Spanish Premier League khawm kum thar le inruolin a season chenve sunzawm naww mek a nih a. Inrinni zan inkhelah Real Madrid chun an khingpui Granada 4-0 tawpin an lo sawp ta kha a nih a. Hi zan baw hin Atletico Madrid khawma Saul Niguez le Antoine Griezman hai goal hmangin Eibar an hne a, palina an inhlangkai. Las Palmas khawma relegation zone-a um mek Sporting Gijon 1-0 in an hne hram leini a parietna an inhlangkai thei baw.



Real Sociedad hai ta dinga tuta season fe meka an home ground-a a thawsiet tak tum ni dingin Sevilla an lo mikhuol a, 0-4 tawpin an tlawm a, Sevilla chu pahinna an inhlangkai

FA Cup 3rd Round Result kimchang

Table with FA Cup 3rd Round Result kimchang: West Ham United 0-5 Manchester City, Manchester United 4-0 Reading, etc.

PEP GUARDIALO CHUN MANCHESTER CITY-AH THIL A THAWSUOL VE HLAKE THU A HRIL England Football sukdanglam dinga hung kan naw a, ka thiltum khawm a ni chuong nawh. Kei le kei hi insukdanglam ka ngai lem a nih : Pep Guardiola

Pep Guardiola chun Manchester City-a a hunga inthawk thil a thawsuol ve zeu zeu ta thu ip lovin a puong. Amiruokchu English Football le ramdang football hi an ang naw leini ama khawma an siemrem pei ding thu a hrilsa baw.



naw hrim hrim a, ama ngaidan thenkhat hi a chang chu a lo infuk zan ngai naw lem thu a hril baw.

chieng pawt a ngai a nih, tiin a hrilsa baw. 'Mani le mani in-en hmasak pawt hi a ngai a nih. Manager hi ka sin a nih a, player hai thangpui le hril chu ka mavphurna a nih. A tam lem chu a lo infuk naw chang khawm a um thei, player ni lovin kei ka mavphurna lem a nih,' tiin a hrilsa baw.